

Prof. dr. Ilijaz Pilav

Specijalista Opće hirurgije, Subspecijalista Grudne hirurgije, Doktor medicinskih nauka, KCUS – Klinika za torakalnu hirurgiju, Vanredni profesor na Katedri za hirurgiju Medicinskog fakulteta u Sarajevu

Ilijaz Pilav, rođen 13.12.1964. godine u Srebrenici, Bošnjak.

Osnovnu školu i Gimnaziju završio u Srebrenici. Diplomirao na medicinskom fakultetu u Sarajevu 1989 godine. Od 1990. zaposlen u DZ Srebrenica.

Član Patriotske lige i pripadnik Armije BiH od 17.04.1992. Rat proveo u Srebrenici radeći kao ratni hirurg u Ratnoj bolnici Srebrenica na mjestu šefa odjeljenja hirurgije, u isto vrijeme obavljao funkciju načelnika saniteta 282 brigade. Radeći u Ratnoj bolnici kao ratni hirurg u izuzetno teškim i nehumanim uslovima izveo preko 4000 operativnih zahvata do jula 1995. Učesnik proboja iz opkoljene Srebrenice u julu 1995 godine. Oficir Armije BiH. Odlikovan za zasluge u ratu. Demobilisan 1996. na mjestu načelnika saniteta 28 divizije.

Specijalistički ispit iz Opće hirurgije položio 1999. Do 2003. godine radio kao hirurg u Zavodu za hitnu medicinsku pomoć Sarajevo, a od 2003. stalno zaposlen na Klinici za Torakalnu hirurgiju UKCS-a. Od 2017 godine šef Klinike za torakalnu hirurgiju. Subspecijalizaciju Grudne hirurgije završio 2009 godine.

Magistrirao na Medicinskom fakultetu u Sarajevu 27.02.2009 godine. Doktorska disertacija pod nazivom: „Značaj videoasistirane torakoskopije u tretmanu ranih stadija pleuralnog empijema“ odbranjena 22.03.2013 godine i stekao zvanje Doktor medicinskih nauka. Angažiran na Medicinskom fakultetu od 2007 godine, prvo kao asistent, potom viši asistent a od 2016 u nastavnom zvanju Docent na katedri za Hirurgiju.

U naučno nastavno zvanje Vanredni profesor na katedri za hirurgiju Medicinskog fakulteta UNSA izabran u januaru 2021 godine.

Zaposlen na UKCS na Klinici za torakalnu hirurgiju na mjestu šefa klinike. Redovni član Evropskog udruženja Torakalnih hirurga. Autor i koautor u preko 45 stručnih i naučnih radova objavljenih u indeksiranim domaćim i međunarodnim časopisima i jedne knjige. Radi stručnog usavršavanja više puta boravio na prestižnim klinikama u Njemačkoj, Holandiji, Češkoj i Austriji. Aktivno znanje Engleskog jezika.